

茅山志卷之十三目錄詩

笄蟾光審編

明

去京都三舍有三茅山華陽洞天曩駐馬此山歷覽名勝遇元符宮主符籙者陳得苟茲悵然東望忽十餘年矣漫成一律因風遠寄時永樂乙酉三月九日也

駙馬都尉永春侯王 宣

題月淵堂 毘陵胡 濬

同前 平湖屠 勳

茅山志 卷之十三目錄 一

辛亥過玉晨 山陰王鑑之

大茅峯看雪 撥雲山人笄 听

下茅山 前人

別茅山 前人

遊茅峯 宜春龍 瑄

茅山二首 李東陽

句曲山 徐 桂

尋華陽洞 鄧 茅

遊茅山億隱居 曹昌先

遊茅山贈戈道士

冷大章

遊華陽洞

江浦莊 杲

遊茅山次壁間韻

太原喬 宇

遊山二首

鎮江唐 鵬

遊山二首

餘姚王守仁

蓬萊方丈偶書二首

前人

遊玉晨次提學王明仲韻

浮梁戴 珊

次王陽明韻

前人

遊峯

海虞陳 言

茅山志

卷之十三目錄

二

遊三峯

羅山劉 淮

積金峯

前人

遊華陽洞

前人

登峯

維揚馬 駙

棲霞山房

前人

遊白雲觀

廬陵曾 棨

遊玉晨觀

金陵李 熙

遊山漫興

京口楊 清

華陽洞

前人

登茅峯絕頂

姑蘇王鏊

巧石洞三首

前人

祈雨茅山有感

廬陵陳鳳梧

登峯用王荆公韻

前人

茅山道中

華亭徐階

中館望三峯

前人

正德元年漫書華陽洞壁

邑人江永年

遊茅山

前人

同前二首

閩人鄭漳

茅山志

卷之十二目錄

三

遊茅山 陳卧雲山房

京口鄔紳

山中夜晴用王陽明韻二首

開化方豪

棲真觀

前人

遊茅山偕錢文學

天台王爨

茅山道中

姑蘇祝允明

宿茅峯用庠友江壽卿韻

前人

讀邱濬殿丞詩因次其韻

前人

清明節遊茅山

開州王溱

遊大茅東諸峯謁劉笱二真人墓 前人

遊峯二首

姑蘇祝 續

登山

吳郡周鳳鳴

嘉靖戊子四月十日遊茅山

吳郡顧孟圭

遊茅山用舊韻

泰興張 羽

華陽洞

前人

大雪行三茅山中

閩人鄭 善

登峯

林春澤

夜宿上宮

前人

初到崇禧東王明府

赤城山樵葉良佩

茅山志

卷之十三目錄

四

大茅峯

前人

遊元符宮

前人

遊玉晨觀

前人

巧石洞

無錫秦 金

遊山漫興

前人

雨中登茅山宿上宮

湛若水

登茅峯二首

金陵顧 璘

登峯

下邳陳 鐸

上宮

靳人陳 沂

喜客泉

前人

坐玉晨觀望諸峯

常熟陳寰

遊茅山

慈溪王鎔

同前

盛端明

晚登大峰

光山盧煥

登茅峰

金陵那一鳳

送袁一齋贊教歸茅山

前人

次前韻

邑人李春芳

用李石籬韻

崑山張寰

茅山志

卷之十三目錄

五

茅山雜詠用江柳汧韻

前人

下宮

前人

積金峰

前人

茅山紀游十二韻

永嘉王叔果

三茅山步虛詞謾句贊八首

貴溪夏言

華陽洞

西蜀韋調鼎

登茅山

臨川李曉

辛巳歲桂月由吳門至茅山

華亭王廷芬

冬日宿三茅道院

胡杰

嘉靖甲寅秋八月同松坪令尹廬川石谷二文學
登大茅峯下二宮洒然有懷仙之感作此寄情

洞石山人吉郡尹 臺

宿上官山房三首

雲間陳繼儒

謁茅君

邑人笄繼良

鬱崗山

張天逸

遊華陽玉柱洞

劍西山人

遊洗心池過神仙橋入續麻洞

湯方平

遊洗心池

劉若宰

茅山志

卷之十三目錄

六

贈李徹度道師

董其昌

山居卽事

閔齡

贈江煉師

龔勉

秋夜鬱岡山坐洗心池作

李佺

軋元觀阻雨贈季先真

陸朗

遊鬱岡山贈友人

易震吉

贈王小顛

申時行

贈徹度仙師

焦竑

暮春久雨懷江李二師

閔高邱

柏枝洞

白雲霽

送李徹度仙師還山

朱謀奎

雨中登茅山簡閔仙師

張獻翼

賦贈李赤肚

鄒德溥

遊茅山 十六首

顧起元

積金峰

笄繼良

登茅峰

笄之玠

遊大茅山

龍瑄

登大茅山

陳鳳梧

茅山志

卷之十三目錄

七

茅山記

毘陵孫慎行

遊茅山八咏

毘陵許鼎臣

遊茅山賦

笄金鏡

華陽今古道相裁真
招余曳杖來雲裏三
駟飛白鶴
岩前獨虎卧丹臺香
分石腦開天竇錦擷
仙庖薦鹿胎
仰止茅君循舊跡洞
門徒倚碧桃猜

大茅峯看雪

撥雲山人笻 昕

一夜高雲四幕凝西
風吹雪雪如崩花飛
福地三千里
人在瑤峯十二層

下茅山

一峯回首一雲橫雪
照疎林思更清惆悵
不堪歸路永
碧桃花裏又吹笙

茅山志

卷之三

別茅山

回首華陽別隱君寒
雲塗樹曉陰陰風塵
此去情何限
山路逶迤春雪清

遊茅峯

時弘治甲子孟夏朔也

宜春龍 瑄

雲踪寄林壑不混車
馬塵行歌祝融曉醉
卧匡廬春往
昔躋武當舉手捫星
辰前年歷岱宗題詩
勒貞珉白首
返鄉國始訪茅山隣
肩輿入荆莽役從忘
艱辛三峯果
奇絕列岫非群倫露
華翠浮動玉骨青嶙
峒森然立相
向清適同其情嵐氣
時吐納崑泉流玉精
鎮靜自有常

亘世惟一純欲尋陶隱居世遺跡已陳仰瞻益高憂暫
憇存吾真

茅山

李東陽

丹閣煙霄外登臨萬象分
槎排曲阿樹窓觀溧陽雲種
木畊巖石尋芝採玉文
遙因不死訣來此叩茅君

其二

迢遞出重氛高瞻了四垠
雨鳴千壑籟晴看萬峯雲翠

猶丹

尙紫文法教機樞廢身與鹿爲群

句曲山

徐桂

茅山志

卷之十三

三

呼吸靈霄帝座通下方城郭惘然空半虛樓闕丹霞裏
三頂巉巖紫氣中金木尙然畊地脉玉符猶此貯天宮
不徒飛術法茅氏更愛仙家訪葛洪

尋華陽洞

郭茅

華陽古洞藏幽深高峯排空萬木森半欹石樓人卧處
時時風雨作龍吟

遊茅山憶隱居

曹昌先

樓觀參差百丈餘翠崖丹壁住玄虛當年宰相雖名貴
誤向山中洗隱居

遊茅山贈戈道士

冷大章

茅山道士來青城朱顏綠髮長不更有時兀然坐一室
有時隻身遊帝京山中飢煮白石髓腰下劍蓄蒼龍精
玉砌養芝早發秀丹房煉藥將垂成丰模自是神仙骨
人間莫肯留姓名句曲雲中朝種木華陽陌上夜吹笙
坐談時有三山客詩草聞來五嶽行玉觀瑤臺清暑冷
夜來時起步虛聲

遊華陽洞

江浦莊 景

桃花流水放溪平偶到華陽洞口行過客我非朱仲晦

茅山志

卷之三

四

僊人誰是葛長庚尼山柱下家雖別天上人間眼獨明
醉筆欲將乘興識野人無姓亦無名

遊茅山次壁間韻

太原喬 宇

汗漫真從物外游千山空翠洗雙眸平蕪入野皆吳地
遠嶠臨江是潤州花樹亂迷芳草堰洞雲深護碧溪流
青童兩兩吹笙過已到仙家十二樓

遊山

鎮江唐 鵬

一歲清明節三峯句曲山石闌偏霧雨野客自躋攀飛
蓋蓬萊外披榛象緯間襄祠不能去吾欲駐吾顏

其二

遊子不知雨，尋春度若溪。
千峯一遙轉，冥霧亂藤迷。
窈窕洞中洞，扶搖梯上梯。
道人閒無語，獨禮白雲低。

遊山

餘姚王守仁

山霧沾衣潤，溪風灑面涼。
蘚花凝雨碧，松粉落春黃。
古劍時聞吼，遺丹尚有光。
短才慙宋玉，何敢賦高唐。

其二

靈峭九千丈，窮躋亦未難。
江山無遯景，天地此奇觀。
海月迎峯白，溪風振葉寒。
夜深凌絕嶠，翹首望長安。

茅山志

卷之十三

五

蓬萊方丈偶書

興劇夜無寐，中宵問雨晴。
水風驚壑驟，岩日映窓明。
石竇窺淵黑，雲梯上水清。
福庭真可住，塵土奈浮生。

其二

仙屋煙飛外，青蘿隔世譁。
茶分龍井水，飯帶玉田砂。
香細嵐光雜，窓虛峯影遮。
空林無一事，盡日卧丹霞。

遊玉晨次提學王明仲韻

浮梁戴珊

未易新詩悵，望裁萬峯晴。
翠逐春來堪，慚塵事兼清。
景賴有仙踪，在玉臺石髓。
乍嘗期換骨，金砂初轉冀。
成胎

此身真有烟霞癖爲報溪翁莫浪猜

次王陽明韻

仙山隔塵世虛寂斷勞譁自足青精飯未須勾漏砂林
深無路入樹密有陰遮深夜丹光發映空騰紫霞

遊峯

海虞陳言

行過一層還一層俯臨虛谷心屏營危巢可探鸛鵲殼
險路欲與猿猱爭聳壑檜杉立縹緲跨空枰棋飛伶俜
烟霞清氣吸滿腹便欲凌風吹鶴笙

遊三峯

羅山劉淮

茅山志

卷之十三

六

雲杪三峯古洞天茅家兄弟住何年玉晨寥落空瑤草
携得顏碑幾紙還

積金峯

地肺山樓恰曉鐘龍池飛雨灑疎松此峯亂石巉無數
雲弄芙蓉十二叢

遊華陽洞

雲根作秘窟大刻華陽洞幽探極潮汐吐氣成蟠螭復
怒虬鱗揀俯瞰心目動苔蝕古仙巢寥寥松石頌

登峯

維揚馬駙

絕嶠高臨俯大荒似依星漢立蒼茫天隨去鳥浮雲盡
氣續冥鴻陸海長翰學素驚張伯雨陞祠知重李含光
通明只待還丹熟來借山人白石床

棲霞山房

僻地凡塵少棲霞道味深野雲常入夢宿霧不關心汲
水試新茗開軒見遠岑由來真澹想幽意在山林

遊白雲觀

廬陵曾二祭

仙人羽化白雲鄉臺殿嵯峨鎖夕陽望氣幾時逢尹喜
看花前度識劉郎丹房龍虎蟠金陽石洞烟霞護玉床

茅山志

卷之三

七

謾說仙家多勝事藍橋何處覓瓊漿

遊玉晨觀

金陵李熙

翠微遙見玉晨宮雲外籃輿有路通古殿香烟人似蟻
斷碑書法字如蟲千年老檜枝尤勁一脈清泉水自東
尙憶髫齡曾到此來遊重對落花紅

遊山漫興

京口楊一清

丹梯百丈斷還連亘古名山此洞天鳥怯高岩棲不定
雲歸杳靄勢無前興來直欲臨流坐醉後無妨枕石眠
不獨山人能愛客野花啼鳥亦欣然

華陽洞

吁嗟此洞天乃在人寰裏神仙不可窮勝遊聊爾爾

登茅峯絕頂

姑蘇王 鏊

大峯小峯聯中峯當天削出青芙蓉一朝忽立九霄迥
百丈已度千巖重思昔飈輪同駕鶴祗今雲氣猶成龍
遥遥長史復何處欲問華陽洞裏逢

巧石洞

太湖有奇峯倚插半天裏風雷忽失之何年飛到此

其二

茅山志

卷之十三

八

壁立自何年峻嶒屹相向消得米南宮再拜呼石丈

其二

草樹靡濕風巖巖者維石貞心但自保關巧更何益

祈雨茅山有感

廬陵陳鳳梧

大旱江南勢欲焚憂心終日坐如醺瓣香遙禱茅峯雨
膚寸俄瞻鍾阜雲四野滂沱露潤澤八窓涼冷洗炎氛
尙祈三日甘霖足擊壤東臯頌放勳

登峯用王荆公韻

飛鳥翩翩去不窮仙車縹緲五雲中宮凌碧落無塵到

地切蓬萊有路通玉簡金書藏
巖巖紫霞玄霧滿虛空
振衣千仞岡頭立欲馭扶搖九萬風

茅山道中

華亭徐階

叢峯矗馬頭泉石細分流風急松聲遠星稀林影稠
曠原新有淚赤堠舊無收

江南苦旱

願乞茅君澤閭閻一洗愁

中館望三峯

草色松香遍野切却從孤嶼望三茅青天似與諸峯接
碧澗平看幾道交雲裏石牀春正暖日邊丹井夜新跑
上頭昏黑誰還到一醉仙人白雀巢

茅山志

卷之十三

九

正德元年漫書華陽洞壁

邑人江永年

古洞陰陰晝亦寒巖花落落鳥關關飛泉噴壑珠零亂
莫是神龍作雨還

遊茅山

峯巒鼎峙大江南草樹參差上下庵天爲幽人貽勝槩
地於靈處注晴嵐縱橫寶翰昭神檢今古真風快客談
却把苓通付榮願枕泉高卧候鸞駢

閩人鄭漳

群山回合鳥無譁石竇雲根萬樹斜龍井有泉通玉液

洞房何地覓丹砂
閒磨舊刻尋真蹟
靜倚孤標看落霞
仙侶不知秋日暝
鳳笙吹過碧桃花

其二

山行迥與塵囂隔
秋爽重憐足力賒
身世於人還獨健
乾坤何地不吾家
日薰臺殿疑洲島
風轉鐘鈴自歲華
長領白雲巖際宿
幾回霄漢夢仙槎

遊茅山寓陳卧雲山房

京口鄔紳

山中王子喬
醉卧仍絕粒
有時乘龍來
灑灑寒雨濕

山中夜晴用王陽明韻

開化方豪

茅山志

卷之十三

十

遊騎寒愁雨
山人靜樂晴
迴林風欲定
濕障月微明
幽興天能助
深宵地轉清
來朝遍岩壑
端欲見茅生

其二

深山元自靜
入夜更無譁
細論三茅事
空懷九轉砂
雨餘幽澗響
月出淡雲遮
松楸湘茶熟
悠然適紫霞

棲真觀

棲真觀在華陽西
幽宅落花迷古蹊
凍鳥不鳴白日靜
仙鸞已去蒼雲低

遊茅山偕錢文學

天台王爌

呼鶴計山行風雲頃刻生浮踪隨任去遊興忘陰晴峯閣三台近宵霞萬壑明青氈憐汝冷携酒共披襟

茅山道中

姑蘓祝允明

老去誰憐晝錦明春來聊得客襟清宵依星斗宮壇卧
是日曉傍神仙宅舍行眼看山多城郭少肩隨詩重簿
書輕何時總入烟霞去不見人間寵辱驚

宿茅峯用庠友江壽卿韻

下馬門前一振衣翠微高迥逼清微山中長史雲閒住
洞裏真人月下歸金談伏牀砂氣放紫雲穿竇水芽肥

茅山志

卷之十三

十一

神方能咏不能遇一夜爽靈峯外飛

讀邱濬殿丞詩因次其韻

濬宋時句容令隱茅山

珠有餘妍玉有輝雞棲鶴馭本相違靈飛玉檢文難讀
想結金堂夢易歸頗恨殿丞虛左契終憐長史入仙機
懸知紫陌埋塵骨綠草茸深白鹿肥

清明節遊茅山

開州王 溱

古洞留仙跡春遊繫客思看山聊獨往歸路未應遲落
景沉丹竈高風散紫芝佳辰留勝境幽適慰離愁

遊大茅東諸峯謁劉笪二真人墓

石磴盤迴句曲天溪蓀洞草布春妍不知笙鶴歸何處
華蓋岩頭空紫烟

其二

輕衣輕颺躡烟霞疊玉峯前白日斜怪底歸來香滿路
春風開盡碧桃花

遊峯

姑蘓祝 續

層層峯嶂起雲阿殘暑飛軒此特過半壁虛寒懸雪瀑
四山蒼翠鎖烟蘿鶯聲出樹秋仍滑虎跡緣溪晝亦多
身到最高雙眼豁臨風披髮一長歌

茅山志

卷之三

三

其二

石梯松逕半凌霄直上天門恐不遙謾指平湖分別境
却尋殘刻認前朝秋風助我雲生屐午味便濃野具殺
山雨暮歸雙炬見不勝餘興入吟豪

登山

吳郡周鳳鳴

赤檻臨仙壑青霞照玉芝峯高登欲遍雲出定無時劔
匣龍光艷符緘虎跡奇閒蹤寄天外丹井曙光遲

嘉靖戊子四月十日遊茅山 吳郡顧孟圭

初夏展豫遊三峯立雲表喜客清且漣華陽亦窈窕洞

門森古檜石壇陰叢篠浮嵐忽飛霰弦月像鑒沼更衣
改涼燠捲幔殊昏曉繾綣今夕長咄嗟百年天真棲乏
因緣假息促旃旒夢思笙鶴聞誰許繒鴻矯

遊茅山用舊韻

泰興張羽

天路雲霞近珠宮日月通三峯晴作雨萬木翠浮空踪
跡虛無裏乾坤俯仰中丹砂吾未就短髮漸成翁

華陽洞

絕處應無地空中更有天春雲逃洞口何處訪茅仙

大雪行三茅山中

閩人鄭善

茅山志

卷之十三

十三

解束悟服食乘興一來此同雲羃坤維六花漫不止真
源不可尋翹蛾兼泥滓三茅沓雲端飈車隔天地安得
莊生達相與析玄理

登峯

林春澤

火化嘘至清流霞注丹液踴谷媚靈光精華濃欲滴矧
茲神仙宅雲氣上相直中有三茅君潛光寄遐迹凌景
漱陽精華池鍊玄泫守一四十秋可以長不粒永言葆
嘉真蟬蛻塵寰迹終當從三茅峯頭生羽翼

夜宿止宮

紫府高盤華蓋上青天句曲謁茅君神洲自是蓬壺境
玉闕平臨象緯文龍女春迴千嶂雨鶴巢宵托半間雲
齋居潛景道心長仙語分明磬欬聞

初到崇禧東王明府

赤城山樵葉良佩

客路炎蒸迥仙家竹樹涼蟬聲喧酒座雲氣濕征裳吟
覺詩懷壯行添野興長王喬爲地主巾舄有輝光

大茅峯

石磴盤雲上瑤池絕頂橫具區一水白林屋數峯明露
檻迴龍窟風篁隱鳳笙茅君猶在世遲我赤霞城

茅山志

卷之十三

十四

遊元符宮

半嶺翠微出中天樓閣懸疎林行夕照飛磴躡層烟坐
久山愈寂憑虛思欲仙雞聲岩樹裏羽客坐談玄

遊玉晨觀

展公傳法舊時臺長史丹成我復來靈檢千年遭劫火
龍池六月動鳴雷樓前積翠凭堪掬洞口晴雲掃未開
野客巾袍原散誕寄言猿鶴莫相猜

巧石洞

無錫秦金

亭亭一拳石古意良在茲相對自忘言以巧名胡爲

遊山漫興

琳宮開傍最高峯人到雲岩第幾重
長松老雀驚秋靜玉檢金書鎮日封

雨中登茅山宿上宮

湛若水

雲塞前無路徐行乃有通不知轉忽間
腳踏最高峯我衣濕寒雨我袖飄天風
三茅皆失色萬象歸玄同玄同夫何如
吾乃觀無窮

登茅峯

金陵顧璘

迢遞三峯得峻躋到宮惟見衆山低
天池水碧蒼龍伏

茅山志

卷之十三

五

岩樹風高白鵠棲雲際瑤壇開日月
林間丹井隱虹霓仙人只在華陽境
松葉桃花咫尺迷

其二

頭白遊山恨已遲遍尋靈蹟慰幽期
雲根變幻陰陽石海眼潛通霹靂池
絕壁傳觴臨過鳥深林炊黍茹生芝
踟躕陵谷傷今古不見前朝宰相碑

登峯

下邳陳鐸

孤騎蕭蕭踏軟沙三茅山色望中賒
荒村細雨間啼鳥小樹輕風落野花
蹤跡幾年沉宦海神遊今夜到仙家

行行只擬逢真侶秘授陰宮九轉砂

上宮

鄆人陳沂

山上起琳宮朱樓紫閣重野烟生夕景霜葉綴秋容白石縱橫路丹梯掩映峰道人前指領隨處說仙宮

喜客泉

池上一鼓掌池下泉四潰間喧鬪沸起散亂如珠碎爲問何爲然人云此地肺消息與人通氣動隨警欬我來方肺渴掬取聊一溉

坐玉晨觀望諸峯

甯熟陳寰

茅山志

卷之十三

六

春日齋心句曲山三峰並出白雲間隱居墓上月何皎長史井中泉尙殷一院清風屢市遠幾叢林樹歲時閒掛冠始遂登臨興不假仙人藥駐顏

遊茅山

慈溪王鏊

玉殿高峰上中宵紫氣橫尋原當代嶽望遠入滄溟娥舞三千帔鸞迴十二笙茅君猶可遇丹火夜分明

盛端明

春入茅山路松花香滿衣登臨是何日清夢繞仙扉

晚登大峰

光山盧煥

危磴循巖上孤峯入望開寒雲雙袖拂暝色四山來日
月澄仙洞星河接絳臺茫茫塵海想空覺有蓬萊

登茅峰

金陵邢一鳳

暮春三茅風日清飛飛白鶴天際鳴野人偶來得至道
老翁何處鋤山精華陽洞口青松古錦石峰頭新月明
仰天倚劍發長嘯不知身世登蓬瀛

送袁一齋贊教歸茅山

昔年書劍訪真仙信宿華陽古洞天
竈道只今聞紫極好將法號注雲詮

茅山志

卷之十三

七

次前韻

邑人李春芳

汝是蕭閒第幾仙乘雲何日下瑤天
洞有華陽人不遠井聞葛稚藥須詮

用李石麓韻

崑山張 寰

寰瀛此地隔凡仙雲外三峯入九天
抱一上清誰妙悟立闕欲叩若爲詮

茅山雜詠用江柳汧韻

仙島凌風怯曉寒岩花山鳥意相關
春光九十過將半忽訝隆冬去復還

下宮

下宮抱曲林琪樹鬱生光
玄壇百靈攝牙籤萬卷藏
撫事願無違修教道乃常
吾慕陶弘景守一百慮忘

積金峰

茅君擅三峯積金貯餘光
石丈踞虎視樛木如虬藏
羽士善伏氣習靜千年常
積厚施應博此理慎無忘

茅山紀游十二韻

永嘉王叔果

福地煙霞古丹邱日月偏
焚修通上國巨麗冠諸天
雲壘三峯秀崖傾一逕懸
天香流紺宇澗道瀉紅泉
洞隱

茅山志

卷之十三

六

燒丹竈阡遺種木田真詮
不可問靈迹尙依玄鶴空
中舉斑虬象外騫銀牀
虛抱月玉井靜生烟仙樂
臨風奏芝緘潤露鮮陰霏
瞻壑動袞磴躡雲旋振策窮
幽勝樞衣禮上玄試聽招
隱曲聊續紀游篇

三茅山步虛詞

貴溪夏言

大茅峯高凌紫氛仙人騎
鶴下天門手持玉字長生
籙乞得歸來獻至尊

其二

二茅峯頭籠赤霞舉頭便是
玉皇家洞門沉沉白日靜

開遍碧桃千歲花

其三

三茅峯前多白雲石壇紫氣流氤氳山頭鶴飛不知處
仙翁騎訪玉宸君

遊三茅謾句

大茅峯頭鶴唳華陽洞口龍吟明月清風長在桃花流
水難尋

其二

採藥還尋福地入山先禮茅君千徑花零紅雨一峯犬

茅山志

卷之十三

九

吹白雲

其三

瑤草春生石洞珠泉晝湧華池野客觀棋坐久仙人採
藥歸遲

其四

石室丹光隱隱瑤壇花氣濛濛別却大羅天上來遊句
曲山中

三茅真君贊

於惟真君仙器夙成西城授秘龜臺降靈志勤行專迺

證長生四使集端五食合精司命震嶽位崇上卿金昆
玉季仙枝叢馨得道上元並授寶經王母有命仙媛執
盟金書玉冊錄勲策名太清神霄白日飛昇卓哉三茅
列仙提英句曲之山爲世福庭

華陽洞

西蜀韋調鼎

連峯如奔驥石鬣怒齒齒長湖盪胸腋方屏列岸几巋
然表東南顛氣渟瀾瀾鳥道蒼苔澀崖根瀉靈髓月濯
龍湫白霞烘雀舌紫華陽古洞幽秘笈藏圖史垂瑤碧
巉巖紆折可里許把炬直窮接濤聲颯震耳似聞古琴

茅山志

卷之十二

二十

哀恍若彈棋子笋輿逐徑斜怪石踞如兜磊砢復嵌空
巒壑何瑰詭更躡積金峯嶺上涵清泚遐眺二三茅或
翔或竦峙捫蘿度白雲呼童采澗芷古觀隱深林花叢
眠鹿豕隨山恣逸遊處處堪栖止俯瞰萬壽宮蒼蔚絢
如綺密叩茅真人滄桑一彈指

登茅山

臨川李 曉

隱隱朱甍碧樹中三茅峯上有仙宮石竇香爐生紫氣
雲梯鐘磬落長風

辛巳歲桂月由吳門至茅山 華亭王廷芬

萼香八月風帆盡出孤筇魚市烟留價鶴籠雲自封樵
歌連石斧泉籟和山鐘賒酒遲今夕巖頭月上松

冬日宿三茅道院予賤降辰也詰明禮殿中因志

懺禱

胡杰

恥予抱夙心淦霞結孤尙弱齡籍中朝簪紱嬰世網矢
志不及伸濡翰恣偃仰行行邁巖穿一麾成再往未能
效桑蓬焉免事鞅掌生來悔吝途涉厲苦恇慌四十恒
畏人念此日月長親庭曠如何白雲遞飄蕩叢痾委陋
軀中疚虚怏怏胡期役征驟而得踐名壤靈門劃爾通

茅山志

卷之十二

三

神君一登訪山童三五輩分道掖蓁莽長揖扳予前入
戶止予饗坐看斗室淨目極天宇廣萬籟何蕭蕭宿緣
亦懍悅一宿空習心三生愜真想清晨肅稽拜恍若聆
盼響玉髓紛泥泥一粒惠焉枉撒我豐蔀蒙釋我沉痛
癢起彼溝瘠中置之寥廓上大道會有聞神志益開朗
蓬邱凌清氛弱流觀浩瀆長路洵可梯茲哉脫塵襟

嘉靖甲寅秋八月同松坪令尹廬川石谷二文學

登大茅峯下二宮洒然有懷仙之感作此寄情

洞石山人吉郡尹臺

大茅峯下西歸路石徑山花遠近開
令尹青牛迎客度
仙人白鶴幾時來
星文半夜垂金閣
雲氣中天捧玉臺
欲訪霞綃何處覓
應從滄海問蓬萊

宿上宮山房

雲間陳繼儒

人間沉沉夢未覺
夜半日出登仙閣
紫芝瑤草生天香
鶴夢未了松花落

其二

古壁寒泉積蘚長
春潭雲木幾千章
何年乘犢入山去
醉石前頭結草堂

茅山志

卷之十三

三

幽居此嶺下閒看
白雲飛採藥烟盈袖
拔蘿翠濕衣峯
高流澗急林茂任禽歸
借問山中味秋深
蕨正肥

謁茅君

邑人笄繼良

鐘聲何處遠人跡
此山稀舊客來青鳥
新花滿翠微
三君已雲往二月未春歸
攬佩玄洲上時瞻繡羽衣

鬱岡山

張天逸

三茅蜿蜒巍且雄
綿亘叠叠相流通
真人煉真潛其中
大抵冥形林麓東
鬱葱萬古青濛濛
白雲杳靄怪石籠

獅子幽窟隱穹窿仙人危橋臥飛虹幽光斷碑來神工
洗心勺水難終窮我憶精舍近陶公相將追及玄洲踪

遊華陽玉柱洞

劍西山人

尋真漸入蓬萊島一道金光爛瑤草石洞仙人今有無
洞戶陰晴自昏曉予亦涼涼厭世氛欲尋丹訣問茅君
投身未卜他生到此日依依洞口雲

遊洗心池過神仙橋入續麻洞

湯方平

滌盡衣上塵行過石梁去欲訪續麻姑雲深知何處

遊洗心池

劉若宰

茅山志

卷之三

三

一勺清冷水無塵淨古今當年剖腹者何來出世心

贈李徹度道師

董其昌

聯轡出郊坰爭言禮歲星君應有羶行我得問熊經石
髓緣非薄雲將跡更真何年期浩漫吹笛楚山青

山居卽事

閔齡

嘉樹翳吾廬茆茨不剪除庭柯閒聽鳥益島靜觀魚容
與忘炊累逍遙咏步虛雲霞真可託歲月任居諸

贈江煉師

龔勉

道人栖隱處一壑絕塵氛山翠岩前合泉流竹裏分烟

霧誰是伴麋鹿故爲群相對談忘去西峰日已曛

秋夜鬱岡山坐洗心池作

李 佺

露坐疎風至涼吹散鬱蒸頃看孤月影漸照一池冰真人成住業仙跡隱荒陵寥寥塵鞅寂虛界若無憑

乾元觀阻雨贈李先真

陸 朗

羨爾山居寂立機徹隱微幽栖雲共懶高臥雨頻飛粒絕資松飮齋空冷薛衣桃源仙界寂劉阮到還稀

遊鬱岡山贈友人

易震吉

孤清枕半壑絕巘敞立天路入山腰轉亭超鳥背懸陰

茅山志

卷之十三

清

崖

宿雨慳壁忽流烟尚冀君遊日同留石上眠

贈王小顛

申時行

笑傲烟霞數十秋無端物色坐中收千年丹鼎藏真秘十畝桑麻尚可留醉舞袖憐天地窄歌狂叫破古今愁箇中多少立關意故向乾元作野謀

贈徹度仙師

焦 竑

道人何處泛仙槎野水雲山道路賒真訣近從茅氏得源流元自老君家尊前遺興從天暮樹下談立任月斜一粒靈丹堪度世洞天歸去臥烟霞

暮春久雨懷江李一師

閔玄邱

春山寂寞雨霏霏石竈烟寒客到稀
檻外牡丹紅欲減堦前苔蘚綠生肥
空林杳靄無塵染靜院深陰與俗違
忽憶畸人高隱處端居盡日掩柴扉

柏枝洞

白雲霽

幽谷靈巖晚半陰明霞落照對楓林
鼎烹空黍招靈羽月湧寒泉湛玉鱗
世俗那知閒歲月仙人應不負冬春
柴扉半掩山中寂來往惟看洞口雲

送李徹度仙師還山

朱謀奎

茅山志

卷之三

三

九十修真歲月餘居然福地領烟霞
來驂緱嶺峰頭鶴去采華陽洞口花
神守一元觀察妙心從九轉鍊丹砂
關門令尹休相託騎出青牛是故家

雨中登茅山簡四仙師

張獻翼

真訣茅家第與兄神仙還得嗣初成
昇天曾記秦夷子立廟相傳漢永明
水樹幾重千嶂滅山烟日斷一峰晴
振衣今日堪同調軒冕王庭本自輕

賦贈李赤肚

鄒德溥

飛飛雙鳥度林邱杖履欣陪象外遊
金籥久傳三島秘

瓊瞿長醉五湖秋
鷗中戊巳擒風豹
匣裏雌雄貫斗牛
安得從君驟赤鯉
凌虛雙嘯玉京樓

遊茅山 十六首

顧起元

真人冲舉自何年
悵望華陽古洞天
問道三峰成累跡
祈靈千里避重趼
曲林坐欲揮青海
絕巘升疑駕紫煙
却笑秦皇占王氣
不知此地可求仙

三峰鼎立黛參差
璇室瑤房慰所思
星氣夜沉青耳李
雲光春結燕胎芝
鮑姑信憶雙鳧速
陸叟文成十賚遲
石上清泥何處覓
玉虛雙瑄未停吹

茅山志

卷之三

三

長松落落草萋萋
乍入仙源望已迷
懸閣直疑旁日月
飛梁真憶截虹霓
淫池蜿蜒龍猶臥
玉龜丁當鳥尚啼
暫負向平婚嫁畢
暫拋簪笏問巖栖

鸞輪峰

捫蘿遙叩玉京扉
望天門入紫微
芝蓋幾聞乘鶴去
雲車曾覩御龍歸
春鐘九乳迎霜動
夜瑄雙成禱雨飛
欲跨鸞輪窮八極
峰頭同振六銖衣

九層臺

層臺縹緲入雲孤
九疊蟠空杖可扶
曠引江湖開福地

高臨日月敞清都集靈似許迎青鳥禮斗真堪望白榆
目極玄光還邈漠欲招黃鶴更踟蹰

積金峰

上宮東望積金峰拔地捫天路幾重許掾田池紫蔓草
楚王清磻隔疎松八天赤薤秋堪采九海丹霞晚自舂
寒破繩床清夢後曉風吹送玉晨鐘

華陽洞

如鴉仙鼠嵌空懸地底誰知別有天元放清齋曾六月
隱居遺記已千年逶迤何處探金簡涓滴空思飲玉泉

茅山志

卷之十三

三

一扣巖扉塵夢斷石床雲冷未成眠

瑤谿迴望隔三山仄徑危梯磻往還紫氣霽常浮池表
青冥近已在人間棗花別許齊侯問桃核應從漢主攀
欲訪向來楊許蹟白雲無際出烟鬟

巧石洞

靈峰千髻擁青螺鬼斧何年費琢磨鍊自補天還五色
移從積雪又三岷仙人叱後羣羊少飛將歸來伏虎多
大有冰顛遺癖在不堪携袖更摩挲

玉柱洞

石房窈窕祕晶熒偃僂唯宜瘦鶴形細掬瓊漿真地館
忽環瑤柱似天庭乍看仙鼠懸仍伏長憶癡龍臥未醒
石髓不逢悲老大可煩移勒動山靈

燕洞宮

石房雲臥不知春靈嶠何年駐玉真忽問仙源非漢代
怡逢毛女是秦人丰茸藜盡名銀草清淺流多號玉津
欲論龜山臺上事自憐蓬海隔音塵

洗心池續麻房

班從南嶽領羣仙遯跡依稀憶昔年囊秘黃庭函綠字

茅山志

卷之十三

三

駕乘玄鶴下青田靈池滌後心如水丹竈功成眼似天
鳴鶡尚來催夜績銖衣五色更嬋娟

喜客泉

丹泉云是碧琳腴靈竇潛從萬壑趨窺後仙人初獻鏡
弄來神女乍投珠誰携素手奉瑤草獨引冰芽薦玉壺
共喜纓塵清可濯不知逋客駕迴無

乾元觀

桃花春水漲溪流雲木陰深鎖釣舟徑僻可知人不到
山空惟聽鳥相求書成琳禮仙才少吹罷瑤笙客夢幽

仙馭飄翩何處問，祇應猿鶴共淹留。

玉晨觀

洞隱良常紫翠濛，曲林東畔啟珠宮。
聽松近憶陶弘景，種李遙聞展上公。
庭際大書苔澹澹，門前左紐柏童童。
玉晨真是神仙窟，誰辨名登絳簡中。

白雲觀

盤石迴谿曲徑分，樹陰垂幕晝氤氳。
東西瀾作三春雨，大小峰爲一片雲。
細石墜空添屐響，斜陽漏影動衣紋。
坐看耳目非人境，怡悅何堪把贈君。

茅山志

卷之三

三

積金峰

竺繼良

連石聳雲立，仙崖野樹春。
積金人已遠，餌木事疑真。
仰矚承三秀，遙瞻眇八垠。
幾年遊宦倦，此地脫塵巾。

登茅峰

竺之珍

徙倚碧峰上，徘徊望遠江。
立情結地肺，寄天牕鶴羽。
紛相錯龍兒，掬欲雙惟慚。
冲隱後空自，禮仙幢。

遊大茅山

龍瑄

雲踪寄林壑，不混車馬塵。
行歌祝融曉，醉臥匡廬春。
往常躋武當，舉手捫星辰。
前年歷岱宗，題諸勒貞珉。
白首

返鄉國始訪茅山鄰肩輿入荆莽役從忘艱辛三峰果
奇絕列岫非群倫露華翠浮動玉骨青嶙峋森然立相
向怡愉容色親嵐氣時吐納昂泉流玉精鎮靜自有常
持守唯一純遂今宇宙間萬古玄教新無爲亦無化懇
禱情何伸欲尋陶隱居世遠跡已陳我來事清適固非
學仙人仰瞻益高躋暫憇存吾真

登大茅山

陳鳳梧

丹崖翠壁紫雲巔恍惚玄文誦五千白晝風雷生殿外
中宵星斗落峰前試看喜客泉頭月別是華陽洞裏天
茅山志

卷之三

三

習靜工夫如有得何須物外覓神仙

茅山歌

孫慎行

年年春日叩仙宮百萬香花勝事叢都向洞天求福果
何如心地積真功真功秘訣非虛授萬古靈襟週二候
至今天地並久長當日山川特開作三峯孤峙迥亭亭
萬峯回帶何青青神光瑞氣宵冲斗大力慈威晝降靈
有乞旋聞獲方便有罰多驚速雷電譜牒猶傳玄化奇
田野何知丹鼎煉童真原與混元齊宦達須憂岐路迷
破後棟垣能補葺成時雞犬亦攀躋華陽古洞何深峭
咫尺無窮真妙虎豹難驚猿馬心木芝爲作煙霞料

茅山志

卷之三

三

嘉平緣兆是前緣句曲天通豈別天悟入觀中本無相
澤施方外已多年寶珠瓊液人人有慾棧名坑難自守
幾度雌黃不亂心幾人斑白能回首綿綿滴滴道無期
物物神神自有時空中付語誰能測驗處收功尚不知
岳衡吳越須臾徧祇求國家常安善太虛有眼照多人
元始無門通一線俗人不識上真宮枉覓靈碑草霧中
出火休疑仙蛻幻積金時有道人逢我來歲歲魂多警
佈德修心慙未醒峰外峰兮雲外雲夢中說夢影中影

曲句山中

劉同升

地肺通幽處恍疑舟楫聞山知同一已泉可酌三君信
宿宜栽竹還來欲贈雲幾年遊屐遍不必更移文
良常秦洞外尚有隱居山孤鶴空祥去青牛帶紫還高
峰梅蕊放小徑杏花殷若問長生術蓬瀛彈指間

茅山懷古

筮金鏡

春來崦裏落桃華流到羅浮路更賒桐栢先生留赤舄
玉清道士絕青霞于今餉客芝爲饌在昔吹笙鶴是家
早晚從君何所事蓬壺洞口說丹砂

茅山志

卷之十三

三十二

元符宮

玄松周上谷黃鳥咏中阿乍失鍾山雨微疑瀨水波雲
餐分玉粒天翠溼衣羅方外吾將老翛然逸思多

山中口占

華陽東望盡春暉多少真栖事已非白鶴只今乘不去
時時獨向翠微飛

遊茅山賦

筮金鏡

帝東眷茲福壤兮開伏龍之仙墟極神暮古謨字與鬼藝

兮為閭野之次都矗三峰如地肺兮巧捩情平聲高也峭而

礎礧曠無日以嬖姍音盤先行貌兮雲澹泮而封陬維癸亥

之週算兮東皇駕余以驪駒出句曲之塵邪兮神怱音孚

悅而紆徐風遼妙乎四曠兮華迎吹而自藪歷畦陌之

繡錯兮炊烟結而紫幘鸞啼聲而載好兮坐弱柳而容

姝忽崩霧之纏纏音徒兮若翬騫而鹿龔音憬聳碧鄉而上

蟠兮隔中潢之倒景迺危嶠之隱躡兮紘羣岫以自屏

茅山志 卷之十三 一

靄靈禋之四興兮間祥霞與瑞變遂玄鶴矯其薰翮兮

白鵠聯其素翬與翹同信真栖之禁宮業兮首寰中之隱

墜意歎人生之如漚戲兮胡歸來之多遲少遲回於

林薄兮方結絜四於蘭塘漸溪響之入聽兮姑發戾止

乎高岡挹香澗之珍液兮進稟瓢橐之杜糲鶴雛歸而

溪蓀草長兮乳管落而石髮香恍其移余志於崑維兮

濯余魄於海荒歟良朋之糾簡兮方於紅塵兮須邛循

幽林以放足兮沿曲陂而踰壠乍烟井之雜選兮伊司

命之下宮復閣道之珪展曲兮歸殿牖之崇封虬猛猛

而護棟兮雀不啄而栖薨碧璫躍而寶綱靜兮檀烟交
而鐙影重拜瑤垠而屏隸戲臥息也兮顧塵懷而自棕叢洞

房秘夫紫素兮黃庭藏於朱宮瓊桂遭夫白阜兮五杏

下於璇空願託曙宇而泯名兮抱虛無而行功覲黃冠

而攸暨兮度斗夜之鳴鐘惜曙靄而蹶興兮星戒駕而

縱琿佩玉行聲露猶炫于蔓草兮月餘光於東樓猿罷啼於

隴嶠兮虎尚嘯夫深北陟大巔而俯瞰兮恍垓溘之可

收神湖吐其朝彩兮衆木鬱陰而綢繆嶺東出而迤邐

兮若龍尾名之趨趨七倫切澗潺湲而不舍兮各去住之

茅山志

卷之十三

二

分流天池貯於危巘年上聲兮承銀漢而沃神州石室巽

委嵬磊而有容兮伊何人之所留誰帝鼎之龍文兮眇

秦壁之難求仁青童之飈輪兮將獨輦而重遊遂携余

以入東掖兮俾寄籍於神緱鉤瞰猗龍于汎泉兮波瀟

婁去聲瀾番浮也而騰上名喜客之佳汁兮洵雲鑄之清况

睇視貌銀牀之墮華兮代椒漿與桂釀渦激湍而磯怪石

兮逡觀覽而留連左蒲澤而右礪罪畝兮穿玉穴而過

珠川披靈碣而莊誦兮知為華陽之洞天暫齊心於司

命兮茵綉薛蘇典切而禮石筵惟後覺之惛蒙兮恒前聖

之所憐鳴佩玖以叩闈兮抱菹蕢而自遠

進首以散而

響荅兮愚志堅而感玄羌命余歛趾而却蹊同兮怖鬢

龍之龕龕堅乃幽適之須臾兮乍晨光之破暖月懸壁

於西馭兮日精凝而東在互仙杏於交衢兮五雲紛其

變黷鼎三府之嶙峋兮飾軒廊以藹誨翠多瑤簪與珠

鞞兮克大君之外閔陶引余於客座之右兮啖火棗而

益之以沆瀣與漑同二季挹余以遊兮從赧輪而同邁徧

七塗而盡九源兮曠冥思之憤憤登金壇而仰玄窻兮

望易遷之靚妹洞中有易遷宮鮑靚妹在焉之羅浮而不果兮恐

重刻茅山志序

三

人間之易代降玄鶴而遊二宮舍真易遷二宮兮棄步輦而言

嬉蕙畹侵夫芷砌兮垂晶簾而做彤闈洵般匠之奇斤

兮緝桓簷闔棗音節梁上短柱盤銀螭轉曲榭而無盡兮碣

磯山峻貌聚塊扈溶涯絳趺紫英不可識兮奇馨異色環

水湄錦臆修翎翹於簷際兮班鮪文蛟牝塘西曲屋雕

疏貯女真兮菴風靡靡締銖衣青眉鬢翹盈珠箔兮貝

齒靨輔嫣然姿香粳為餐霞為殮兮清醞不醉延年期

繁絃促管調新聲兮激楚揚風邈難追願留茲以終兮

乃緣數之多違贈余以駐歲之芝樹兮曰葑玉與洞章

日熒火曰燕胎兮更夜光之皎皎小君私余赤砂兮還
穉顏而不槁乍辭袂而掩泗兮悔投誠之不蚤既徜徉
而獨出兮或要余乎上宮飯青飢之如土壤兮聽嘈嘈
其如飄風謂茲遊之可廢兮勉駕余於積金之墟天裂
壁而如割兮伊陶隱之舊居瀏寃泐而音微兮石螺結
而中虛擷金菌之遲暮兮持白雲之有無緬三館之初
構兮侈四雷之翔軒亭孤懸於霜谷兮淑迴注夫秔田
內養谷神於玄牝兮閑摹金籙於虛簷三元八會之文
兮琳碧虛白之室鍊飛精於神爐兮火四轉而輒失知

茅山志

卷之十三

四

冥期之分定兮有不盡用之秘術况乃名絕於靈識兮
智更窘於密勿形同溘露之葭兮居類焚堂之虬即受
夫上清之玉檢兮恐心鹿生而真經逸接羅姑之西洞
兮嘆仙綦之眇然知不可乎驟遇凝幽思於前緣忽屢
嬰而掩至兮垂髮聲而便娟雙金玉之條脫兮隨麗雲
以迴旋履北磴而勉邾不兮爲中極之內屏汧朱色而
流砂兮魄無人而自動有朱泉動石澗名宜春而甘冽兮碑
長辭而短頌倚陶公之醉石兮弄青雲之斂都括斂縱
如行鰲背之蜿蜒兮聯二峰而鼎蹲萬木參差而含秀

兮眾壑谿衲音含鰈而吐吞覓危橋之架海兮收霞實

之如屑跡桐華之源兮尋石徑之抄趨載閃峻腿巖而

徑隴兮遂登晉乎少君顧鍾山於半眉兮指江潭之泔

灑古松臥於隕石兮在檜化爲香棊拂崆峒之返影兮

覽桐栢之遊氛廣余衷於四天兮何彈丸之足云舞長

袂之颺躡兮歌鬱嬾安妃之奇文歌曰豎雲闕兮聳瓊

阿濯天池兮楫牛河漱雲瓶兮碧奈花整玉顏兮揚修

蛾荷虎錄兮囊紫羅年十四兮署九華攝三辰而俱升

兮散八景以爲車李夫子之愛子兮將儔余兮良夜於

茅山志

卷之十三

五

是梯籐墮墮降乎崦嶠玩巧石之融膩想飛來之迢迢

入紅源而問渡華殷殷而多桃徒空崦之闌寂并雞犬

而蕭蕭望乎白雲之略伫乎仙人之橋濯乎洗心之池

臥乎青牛之坳旣緣情而任感欲寫慮而抽毫嵐旣簿

而暘彩散月半黑而天籟高屐齒殘而行後訪乾元觀

之耆舊雖鶴馭之久違猶朮散而自壽談山靈之逸事

有銀津與風竇悵茲遊之難盡盱歲月之可又宿玉晨

之古蹟汲長史之暮泉撫角枕而無睡嘆歸隱之何年

忽黝室之夜白玉瓮小造席而余覘云將標世外之辭

以拓余之初念余避席而勤請先愾然而發嘆曰子亦
既有感於茲遊乎洵下士之奇觀別有輪囷之秘景兮
隔世路之漫漫寧惟軌跡之所不至兮亦思慮之所難
攀浮生望之若駕景真人居之恣盤桓結立雲以爲宇
兮連緋霧以爲居通一線於帝闕兮散九氣於八隅或
屬於八溟之山或屬於羣玉之墟連岱宗與林屋結小
有之清虛映大洞七變之奇光兮凌虹橋之須臾紛六
合之奇觀兮俱唯意之所如乃託根於中峰之微穴兮
一氣旋結而無枝方之子之營營誠無異乎薪苴越隴

茅山志

卷之三

六

負石胼手通原凡村圍變畫閣星連春晴雪壞秋肅
花闌急駒如電奔序若環荒臺故沼桑滄變遷見而心
賞歸而自憐亦何當於璿空之嬉戲立鄉之編遷哉况
乃粉壤繡谷愛網情絲韓功鄴業陸賦江辭願留譽於
身後思播德於中區安能修此儀璘璫佩之法聽此廣
韶曲素之詩乎笄子矍然起曰有是哉再拜而受銘之
青瓊之板兼訂從遊之志於其右

先叔祖長人公是賦縣誌之市本仍舊名茲易今諱

重光敬識